


TEZAU LITURGIC

5 IULIE

ACATISTUL SF.CNEAZ-MUCENIC VLADIMIR PALEI DE LA MOSCOVA



MOSCOVA, 2000



Акафист

богоблаженному князю

Владимиру Палей

Кондак 1

Избранному страстотерпцу, скорому помощнику, защитнику и утешителю нашему, святому благоверному князю Владимиру, составим похвальное, правды ради, яко Авель, от врагов Божиих пострадавшему, предивному удобронию земли Российския. Ты же, яко имеяй дерзновение ко Господу, от всяких бед и зол нас освободи, да зовем ти:

Радуйся, богоблаженне княже Владимире, страстотерпче, добропобедный и молитвенниче о душах наших!

Икос 1

Ангелов собеседник и человеков наставник, ко Отечеству Небесному пути указующий благоволением Всемилосерднаго Бога Нашего воистину явился еси, благоверный княже Владимире; ты бо на земли во всяком благочестии и чистоте подвизался еси и мученически живот свой, купно с великою княгинею Елизаветой, скончавше, востекл еси, в

чертоги Отца Небесного, идеже молишися о всех нас, взывающих ти сице:

Радуйся, от корене царственного произрастший!

Радуйся, на древе рода твоего плодоносящего ветвию возросший!

Радуйся, во благочестии и праведности воспитанный!

Радуйся, чести и славы родителей твоих не умаливый!

Радуйся, словом Божиим наставленный и просвещенный!

Радуйся, благодатию Всесвятаго Духа в подвизех твоих укрепленный!

Радуйся, адаманте крепкий, козньми вражими непоколебимый!

Радуйся, воине Христов, Единому Богу послуживый!

Радуйся, богоблаженне княже Владимире, страсотерпче, добропобедный и молитвенниче о душах наших!

Кондак 2

Видя Господь чистую душу твою, восхоте быти тебе освященному сосуду Духа Святаго, всельшагося в непорочное сердце твое и воздыхании неизглаголаннми научавшего тя благоприятно пети Пресвятой Троице: Аллилуйя!

Икос 2

Разум твой учением Христовым умудривый,
сердцем же твоим от дней детства твоего во
благочестии благоверными родителями
воспитанный, радость и утешение, ближним
твоим приносил еси, всехвальный угодниче
Господень; и к Богу Всевышнему обратил еси
взоры души твоей. Сего ради таковые похвалы
тебе приносим :

Радуйся, издетски всем Христа сердцем твоим
возлюбивый;

Радуйся, от утра жизни твоей Ему Единому
поработавый;

Радуйся, от малых лет радость молитвы
вкусивый;

Радуйся, нелицемерную ревность по Бозе
показавый;

Радуйся, научение книжное зело возлюбивый;

Радуйся, дар Слова наитием Духа Святаго
получивый;

Радуйся, псалмопением Творца неустанно
прославлявый;

Радуйся, благоволения пред лицом Его
стяжавый;

Радуйся, богоблаженне княже Владимире,
страстотерпче

добропобедный и молитвенниче о душах наших!

Кондак 3

Сила Христова осени тя, преславне Владимире, и дарова ти крепость мужественнее претерпети искушения врага невидимаго, его же стрелы разженные угасил еси твоими слезными к Богу молитвами; сего ради, яко победитель, воспеваеши с безплотными силами песнь победную Христу Богу: Аллилуйя!

Икос 3

Имея ревность велию о Господе и любовь к людям нелицемерную на камене благом Христе Спасителе начатом и конец жития твоим положил еси, святой княже Владимире, талант же богодарованный в землю не зарыл еси и Господа Всемогущего песнями твоими, подобно Давиду, прославил еси; боголюбче блаженне; и чистотою сердечною просиял еси, аки святой князь Глеб. Мы же житие твое благочестивое и богоугодное ныне поминающе, таковые похвалы приносим ти:

Радуйся, нищету духовную от юности возлюбивый!

Радуйся, Христу в меньших братьях Его верно послуживый!

Радуйся, славу человеческую ни во что же вменивший!

Радуйся, образ верного служения Богу и

Отечеству показавый!
Радуйся, евангелия Христова верный
последователю!
Радуйся, заповедей Иисусовых ревностный
исполнителю!
Радуйся, чистоты и целомудрия усердный
хранителю!
Радуйся, псалмопении немолчными Бога
славивый!
Радуйся, богоблаженне княже Владимире,
страстотерпче, добропобедный и молитвенниче
о душах наших!

Кондак 4

Буря мятежа и треволнения народного людьми
злочестивыми супротив боговенчанного
благоверного царя Николая II, воздвигнутого
потресе всю землю российскую, но не возможе
поколебати веры твоея, богоблаженне
Владимире, во Всеблагаго Творца и Спаса
Нашего; ты бо на Христа Единого все упование
твое возложивше, воспел еси Ему ангельское
пение: Аллилуйя!

Икос 4

Слышавше о тебе, благоверный княже, власти
богоборные, повелеша ти от отца твоего,
великаго князя Павла, отрещися. Ты же, о

заповеди Господней «Чти отца и мать свою»
помышляя, отвергн еси тех глаголы и сего ради,
аки сродник монарха боговенчаннаго, претерпел
еси лишения, оскорбления и иные злострадания.
Мы же, верность твою ко Господу воспевая,
таковые похвалы приносим ти:

Радуйся, многие скорби от врагов страны твоея
претерпевый!

Радуйся, во скорбех сих, яко злато в горниле
очистивыйся!

Радуйся, от тягот изгнания в уныние не впавый!

Радуйся, во изгнании крепость духа
сохранявый!

Радуйся, во Христе распятом отраду и утешение
обретавый!

Радуйся, дух любви ко врагом стяжавый!

Радуйся, унывающих и скорбящих всерадостно
утешающий!

Радуйся, светом надежды Христовой нас
озаряющий!

Радуйся, богоблаженне княже Владимире,
страстотерпче, добропобедный и молитвенниче
о душах наших!

Кондак 5

Божественным духом просветися сердце твое,
боголюбиве Владимире, яко во всем и везде
созерцал еси присутствие Господа и Творца

Нашего, и во свете ласковых звезд, и в аромате цветов дольних, и в радости духовней и в самом страдании человеческой души, надеждою на Милосердие Его окрыляемь, умиленно воспевал еси Ему ангельское пение: Аллилуйя!

Икос 5

Видевше тя, благословенный Владимире, очами веры пред престолом Царя царствующих купно со святыми сродники твоима: благоверным царем Николаем II, преподобномученицею Елизаветою, отцем твоим, великим князем Павлом, и иными страстотерпцы царственными предстояща и за ны молящихся, просим тя: сотвори молитву о спасении и благоденствии нашем и милостивно приими величания сия:
Радуйся, лучу Солнца Правды, теплотою Божественныя любви нас согреваяй!
Радуйся, свеща многосветлая, светом истиннаго богопознания нас озаряяй!
Радуйся, бисере честный, сердца наша увеселяяй!
Радуйся, от заблуждений духовных нас избавляяй!
Радуйся, от пристрастий греховных нас исцеляяй!
Радуйся, недуги телесныя и скорби душевныя от нас удаляяй!

Радуйся, нравы добрыя и благочестие в нас насаждай!

Радуйся, от обычаев душевредных сердца наша отвращай!

Радуйся, богоблаженне княже Владимире, страстотерпче добропобедный и молитвенниче о душах наших!

Кондак 6

Проповедница богоносная и наставница богомудрая явилася еси святая благоверная княгиня Елизавета сродником своим, в заточении пребывающим; ты же, всеславне Владимире, благим советам ея всею душею и всем сердцем твоим боголюбивым внимал еси и купно с нею воспевал еси укрепляющему вас Подвигоположнику Христу: Аллилуйя!

Икос 6

Возсия, аки солнце, свет добродетельного жития твоего на земли, богомудре княже Владимире, в тебе бо зрим вся елика честна, елика праведна, елика пречиста. Сих ради славяще Святаго Духа, виновника благих, от силы в силу священнотайне ведшаго тя, зовем ти:

Радуйся, добродетелей евангельских пребогатое сокровище!

Радуйся, кротости и смирения боголепное

жилище!

Радуйся, незлобия Христова венценосный
подражателю!

Радуйся, кающимся грешником теплый
сострадателю!

Радуйся, отраду и утешение нам
низпосылающий!

Радуйся, от гланда духовнаго всех нас
избавляющий!

Радуйся, любовь к Божьему творению в нас
пробуждающий!

Радуйся, радостью духовной души наши
наполняющий!

Радуйся, богоблаженне княже Владимире,
страстотерпче добропобедный и молитвенниче о
душах наших!

Кондак 7

Хотяще верность Христу даже до смерти
сохранити, всеславне княже Владимире, купно
со святою сродницею твоею княгинею
Елизаветою неустанно молил еси Его даровати
ти и иным с тобою во узах сущих крепость врага
невидимого одолети; и силою благодати
божественней укрепляемь путь страданий
доброчестно прошел еси, Господеви поя:
Аллилуйя!

Икос 7

Новое испытание кротце претерпел еси,
всехвальне Владимире, егде от богоборцев в
Алапаевске заточен был еси; ты бо, незлобием и
кротостию Спасителю подражая, смиренне
тесноты, лишения, оскорбления и надругания
приял еси, о Христе Распятом выну помышляя.
Мы же, сие ныне поминающе, просим тя,
благоверный княже, научи и нас Христа паче
всего земнаго любити милостиво приими
величания сия:

Радуйся, диадему княжескую с венцем
мученическим сочетавший!

Радуйся, бисере драгоценный в небесной
сокровищнице Христове сохраненный!

Радуйся, неповинный страдальце!

Радуйся, жертво беззаконнаго властолюбия!

Радуйся, княже, Христа в невинней души твоей
вселивый!

Радуйся, в вере и благочестии нас
утверждающий!

Радуйся, от уныния и отчаяния нас
исцеляющий!

Радуйся, светом надежды Христовой нас
озаряющий!

Радуйся, богоблаженне княже Владимире,
страстотерпче добропобедный и молитвенниче о
душах наших!

Кондак 8

Странной и страшной смерти бесоподобные богоборцы предаша тя, княже Владимире, егда купно с преподобномученицею Елизаветою и иными сродники твоима в кладцеподобный ров тя ввергаша; ты же, страстотерпче святой, до самой кончины твоея воспевал еси Господеви псаломские песнопения. Ангелы же Божии душу твою на небеса возносяще, воспеваша Вседержителеви: Аллилуйя!

Икос 8

Всего себе предал еси Творцу своему, богославне княже Владимире, мученически живот свой скончавше и возсиял еси на тверди небесней, приял бо еси от Господа нетленный венец за страдания твоя. И с лики святых, предстояще ныне во славе у Престола Вседержителя немолчное пение приносиши о всех чтущих тя, с верою тебе молящихся и прославляющих тя тако:

Радуйся, всем житием своим Богу угодивый!

Радуйся, вси заповеди Господни в чистоте сохранивый!

Радуйся, злонамерения богомерзких мучителей истребивый!

Радуйся, к небесам умы и сердца наши обращающий!

Радуйся, от вражды друг к другу христиан
исцеляющий!

Радуйся, всем молящимся тебе усердно
помогающий!

Радуйся, чаше, елей милости Божия к нам
содержащая!

Радуйся, горо, тучи гнева Господия от нас
отводящая!

Радуйся, богоблаженне княже Владимире,
страстотерпче добропобедный и молитвенниче о
душах наших!

Кондак 9

Вси чини Ангельстии и праведных соборы
возрадовашася, зряще тя, святой княже
Владимире, новаго мученика в пострадавшей и
поруганней земле Российстей возсиявшего. Мы
же ныне прославляюще подвиг твой, ко Господу
и Спасу нашему взываем: Аллилуйя!

Икос 9

Витии многовещанныя не возмогут благохвалити
крепость твою мученическую, терпение твое и
велию любовь ко Господу, благоверный княже
Владимире. Мы же ныне, надеждою на
предстательство твое окрыляемы, с любовью и
умилением приносим ти похвалы сия:

Радуйся, жителю Божественного селения!

Радуйся, достигший вечного упокоения!
Радуйся, со Ангелы присно ликующий!
Радуйся, трисвятую песнь немолчно поющий!
Радуйся, с праведными убажаемый!
Радуйся, с мучениками увенчанный!
Радуйся, радостию вечною преисполняемый!
Радуйся, любовью Божественною
преуслаждаемый!
Радуйся, богоблаженне княже Владимире,
страстотерпче добропобедный и молитвенниче о
душах наших!

Кондак 10

Спасения нашего ходатай буди и ныне, святой
новомучениче Владимире, зане многия
расстлennыя обычаи нечестивые людие введоша
в стране нашей и теми крепость наша оскуде,
но в сокрушении сердец наших к твоему
предстательству припадаем и на твое
заступление уповающе, вопием Богу: Аллилуиа.

Икос 10

Стена тверда и крепкая ограда буди нам,
страстотерпче святой княже Владимире, с
теплой верою и любовью к тебе ныне
прибегающим; ограждаемы бо тобою от враг
видимых и невидимых и избавлены тобою,
прославляем тя тако:

Радуйся, мучеников пречестных неувядаемое
украшение;
Радуйся, верных в терпении непоколебимое
утверждение;
Радуйся, новый светильник веры, в наши дни
верный путь Богууказующий;
Радуйся, дух милосердия в сердцах наших
воскресающий;
Радуйся, печальниче болящим и беспомощным;
Радуйся, заступниче убогим и обидимым;
Радуйся, яко тобою прощение грехов улучаем;
Радуйся, яко тобою от бед спасаемы, мир с
Богом обретаем;
Радуйся, богоблаженне княже Владимире,
страстотерпчедобропобедный и молитвенниче о
душах наших!

Кондак 11

Пение наше всякое побеждается, и многое
множество хвалебных песен, восписуемых ти,
несть довольно, дабы по достоянию восхвалити
тя, всеславный мучениче Владимире; обаче
молитвами твоими получающе от Христа Бога
благодаяния многообразныя, благодарни суще,
поем о тебе Ему: Аллилуиа.

Икос 11

Светозарная свеща, у Престола Божия
предстоящая, просвещающая души верныя еси,
новомучениче Владимире, сего ради молим тя,
угодниче Божий, умоли Господа Сил о всех
кающихся грешниках, и всех нас укрепи на
твердом камени веры Христовой святыми
молитвы твоими, да зовем ти:

Радуйся, от заблуждений и кривотолков умы
нашиочищающий;

Радуйся, от теплохладия сердца наши
благодатно исцеляющий;

Радуйся, внутренний мрак душ наших светом
Христовымозаряющий;

Радуйся, друг друга тяготы носить нас
наставляющий;

Радуйся, подлинной любви христианской всех
научающий;

Радуйся, предстательством твоим к Богу путь
намустраивающий;

Радуйся, в Царство Божие стопы наша
направляющий;

Радуйся, богоблаженне княже Владимире,
страстотерпчедобропобедный и молитвенниче о
душах наших!

Кондак 12

Благодать великая дана есть ти от Бога
Вышняго, пречудный страстотерпче, яко
пришедшему от скорби велия и убелившему в
крови Агнчей ризы своя; сего ради со всеми
святыми Престолу Божию предстоиши, выну
зовуще: Аллилуиа.

Икос 12

Поюще Бога Дивнаго во святых Своих,
ублажаем тя, преславный новомучениче
Владимире, почитаем страдания твоя, славим
долготерпение и мужество твое непоколебимое,
хвалим мученическую кончину твою,
торжествуем небесную твою славу и таковые
похвалы приносим ти:

Радуйся, выну уповати на Творца нас
наставляющий;

Радуйся, от сетей вражиих чтущих тя
избавляющий;

Радуйся, от закваски фарисейской нас
ограждающий;

Радуйся, к искреннему покаянию нас
призывающий;

Радуйся, от праздности и слабости духа
исцеляющий;

Радуйся, скорби наша в радость претворяющий;

Радуйся, за вся Христа благодарити нас

научающий;
Радуйся, милосердие Божие к нам
приклоняющий;
Радуйся, богоблаженне княже Владимире,
страстотерпчедобропобедный и молитвенниче о
душах наших!

Кондак 13

О предивный и преславный страстотерпче
Христов, благоверный княже Владимире,
приими малое сие моление наше, от любви
душевныя тебе приносимое и умоли Всеблагаго
и Всемиловитаго Господа Нашего Иисуса
Христа избавитися нам всех зол и напасти, да
благочестне в вещи сем проживем и блаженство
вечное молитвами твоими обрящем, с тобою же
благодарственно воспевая Господеви: Аллилуиа.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО